



KEMENTERIAN KESIHATAN MALAYSIA

KENYATAAN MEDIA KEMENTERIAN KESIHATAN MALAYSIA

SITUASI SEMASA DEMAM DENGGI DI MALAYSIA MINGGU EPIDEMIOLOGI 15 (07 APRIL 2024 – 13 APRIL 2024)

19 APRIL 2024

Pada Minggu Epidemiologi ke-15 tahun 2024, jumlah kes demam denggi yang dilaporkan adalah sebanyak 1,698 kes berbanding 2,487 kes pada minggu sebelumnya. Terdapat satu (1) kematian akibat komplikasi demam denggi dilaporkan pada Minggu Epidemiologi ke-15 tahun 2024.

Kumulatif kes demam denggi yang dilaporkan sehingga Minggu Epidemiologi ke-15 adalah sebanyak 48,329 kes berbanding 33,325 kes bagi tempoh sama tahun 2023. Manakala terdapat 35 kematian akibat komplikasi demam denggi telah dilaporkan berbanding 21 kematian bagi tempoh yang sama pada tahun 2023.

Bilangan lokaliti hotspot yang dilaporkan pada Minggu Epidemiologi ke-15 adalah sebanyak 107 lokaliti berbanding 119 lokaliti hotspot pada minggu sebelumnya. Dari 107 lokaliti yang dilaporkan, 87 lokaliti di Selangor, sembilan (9) lokaliti di WPKL & Putrajaya, empat (4) lokaliti di Pulau Pinang, dua (2) lokaliti di Kedah, satu (1) lokaliti di Perak, satu (1) lokaliti di Negeri Sembilan, satu (1) lokaliti di Johor, satu (1) lokaliti di Sarawak dan satu (1) lokaliti di Sabah.


Bagi surveilans chikungunya, terdapat dua (2) kes direkodkan pada Minggu Epidemiologi ke-15. Jumlah kumulatif kes chikungunya sehingga kini adalah 23 kes. Terdapat satu (1) wabak Chikungunya masih aktif pada ME15/2024. Bagi surveilans zika, sebanyak 740 sampel darah dan empat (4) sampel urin telah dijalankan saringan zika dan hasil kesemuanya adalah negatif.

Sepanjang perayaan Hari Raya Aidilfitri, aktiviti kunjung mengunjung dan rumah terbuka merupakan tradisi yang diamalkan di Malaysia bagi mengeratkan perpaduan dan silaturahim. Peningkatan pergerakan disebabkan aktiviti ini akan meningkatkan risiko jangkitan terutama di lokaliti yang mempunyai kepadatan nyamuk *Aedes* yang tinggi apabila terdapat banyak tempat pembiakan di persekitaran. Risiko jangkitan akan terus meningkat jika terdapat kes-kes aktif demam denggi di lokaliti tersebut. Layari laman sesawang iDengue (<https://idengue.mysa.gov.my>) bagi mendapatkan status kejadian kes demam denggi, wabak serta hotspot di lokaliti kediaman anda serta lokaliti yang dilawati. Amalkan langkah-langkah pencegahan gigitan nyamuk dengan menggunakan bahan penghalau nyamuk (repelan) dan menutup anggota badan yang terdedah seperti memakai baju lengan panjang dan seluar panjang terutama apabila berada di luar rumah pada waktu puncak gigitan nyamuk *Aedes*. **Tiada *Aedes*, tiada denggi, chikungunya dan zika.**


DATUK DR. MUHAMMAD RADZI BIN ABU HASSAN

KETUA PENGARAH KESIHATAN


19 APRIL 2024




Gambarajah 1: Perbandingan kes dan kematian demam denggi Minggu Epidemiologi ke-15 & ke-14 tahun 2024



Gambarajah 2: Perbandingan kes dan kematian demam denggi sehingga Minggu Epidemiologi ke-15 tahun 2024 dan tempoh sama tahun 2023



Gambarajah 3: Perbandingan tren kes mingguan demam denggi Malaysia tahun 2024 (sehingga Minggu Epidemiologi ke-15), 2023 dan median 2019-2023



Gambarajah 4: Jumlah lokaliti hotspot denggi Minggu Epidemiologi ke-15 tahun 2024